

vostre che el si facesse uno ponte a Pontevico, et fare uno bastione in capo di là di Olio, perchè el si tegneria tutto il cremonese continuamente, et de corarie et altro secondo il bisogno, faziando intendere a le Signorie vostre che a questo ponte non puole esser fato obstaculo che nol si faza per l'inimico vostro, perchè la forteza di Pontevico batte tutto Rebecho et uno gran pezo più oltra, talmente che non è niuno che possa obstare ditto ponte non si faza. Avisando la Signoria vostra che ancora in Olio li sono li pali fichà dove altre volte li fu fato un altro ponte, et per quanto intendo gli è ancora in Pontevico i legnami da far il ditto ponte; sichè facilissimamente et in manco di un giorno se faria ditto ponte, qual ponte tegneria tutto il cremonese in grandissimo terore et danno; il ditto ponte facendosi se haveria a fare sotto la forteza de Pontevico, perchè non potria esser ofeso.

*Brixia, 27 julii 1599.*

Bernardino de Martinengo. *Mansion*: Magnifico, et clarissimo domino, honorevole domino Marco Sannudo insigni patricio veneto.

*Copia di una lettera scritta per el ducha de Medina a la Signoria nostra, voria le galie di Fiandra tocasse San Luca de Barrameda, promette, etc.*

Illustrissimo principe et domino don Zuane de Guzman ducha de la città de Medina Sidonia, conte di Niebla, signor de la nobele città de Zibilterra etc. Con molto desiderio et aparechiata volontà de far quello vostra illustrissima Signoria mi vorrà comandar, in gratia de quella mi aricomando, la qual ben sa et li è notorio el grand amor et conformità che sempre fo tra vostra illustrissima Signoria et li ducha miei signori, mio padre et avo, et li altri miei predecessori che habiano santa gloria, et quello medemo che ancor con essa ho abuto, et ho da poi che nel dominio de questa mia caxa successi, nel qual si andò de voja lungamente perseverar. Fin qua sono sta tratadi et se tratano con favor et bone opere, che hanno rezevudo et rezeverano i subditi et naturali de vostra illustrissima Signoria che a queste parte sono vegnudi et vien, et perhò me par cossa injusta che non se debia haver mazor caxon con la qual molto più tal amor et conformità se manifesti. Zà che per questo zè tanto aparechio con la venuta de vostre galie che per questi mari et porti passano ciaschadun anno in el ponente, le qual galie in li mii porti senza niun slongar de camin, ne le so vegnude et tornade, pono intrar, et star cussi secure et libe-

ramente come in li proprii porti de vostra illustrissima Signoria, et *maxime* nel porto de la mia vila de San Lucha de Barrameda, la qual sta tanto proxima et apresso de questa città de Sibia, et de tanto grande paese, et si tien tanti aparechi ditte galie che, intrando in ditto mio porto, et fazando in quello alcuna dimora, se porano spazar le so marchadantie, et provederse et fornirse de tutte le cosse necessarie, zà che tutti, et l'un et l'altro, li saranno cussi favorevole et libero et franco come in qual se voglia de li ditti vostri porti, in tutto el tempo che verano o li convegna far nel ditto mio porto de Barrameda o in qual se voglia de' altri miei soa dimora. A la illustrissima Signoria vostra suplico et dimando de gratia habia per ben di comandar ai so capetani, che da mo' avanti intrano nol ditto mio porto, ne le so vegnude et ritornate, et far in esso sua dimora, perchè ciaschaduna volta che cussi intrerano me sarà molto agrato che tutto el tempo che in el ditto porto verano star possano vender et vendano liberamente, et senza pagar dreti alcuni de quelli che ai miei daciai apartien, et oltra questo elle et vostre capitani et marcadanti et compagnie, et altre persone che in esse galie vegnerano, receverano tanto honor et favor che sempre aràno piazer de continuar so vegnuda al ditto mio porto. Et in questo rezeverò gratia de vostra illustrissima Signoria, el cui grande stado garde et prospere nostro Signor Dio.

*De Sibia, a di 24 aprile 1499.*

*Subscriptio*: Prontissimo a quello che vostra illustrissima Signoria vorrà comandar, io ducha. Et in mezo di la lettera la *mansion*: Illustrissimo principe et domino domino Augustino Barbadico duci venetiarum etc. La qual lettera, per esser in spagnolo, prima non fu leta.

*Da Curzola, di sier Alvixe Balbi conte, di . . . lujo.* Come mandava de qui el fiol di Giacomo Fichovichy electo soracomito de li, a tuor la galia; et non vene in tempo, perchè zà era sta terminato, visto lettere prima di esso conte, che non si armasse a Curzola.

In quarantia criminal et credo zivil, da poi molti consegii, fo expedi Rufin da la campagna da Verona citadin stato assai mexi in prexon per monopoli et altre cosse di morte seguite in veronese: li tochè il suo collegio sier Piero Duodo come avogador di comun, qual lo menoe, et fu preso di procieder, *tamen solum* fo confinà per tre anni in questa terra.

Nota. A di 29 lujo 1499, fono nominati questi